

Sect. I. REF RANG I B I L I T A S. 5

minoremve patendum sit aptus. Invenio præterea, quod Radii F P maxime refracti colores purpureos producant, & illi F T minime refracti rubros, qui autem hisce intermedii F Q, F R, F S pergunta, colores intermedios, nempe cæruleos, virides & flavos generant: & sic radii, prout apti sunt, ut alii aliis magis atque magis refringantur, hos ordine colores, rubrum, flavum, viridem, cæruleum, & purpureum generant, una cum omnibus intermediis, quos in iride liceat conspicere; unde productio colorum prismatis & iridis facile patebit. Sed his jam perfunctorie notatis, quæ de coloribus dicenda sunt, in posterum differam.

III. *Probatur experimento vulgari per longitudinem imaginis solaris refractæ.*

SENTENTIA nostrâ de hâc re sic breviter explicatâ, ne putetis fabulas pro veris enarratas esse, rationes & experimenta, quibus isthæc innituntur, continuo proferam. Et quoniam experimentum quoddam prismatis valde obvium mihi primo dedit occasionem excogitandi reliqua, istud primum explicabo. Sit F (fig. 2.) foramen aliquod in pariete vel fenestrâ cubiculi, per quod radii solares O F trajiciantur, reliquis ubique foraminibus diligenter obturatis, ne lux alibi ingrediatur. Ista autem obscuratio cubiculi non est prorsus necessaria, sed efficit.